

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一七一冊



責任編輯：孫言誠 賀 偉

ISBN 7-5333-0615-5



3526/07

四庫全書存目叢書·集部一七一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第一七一冊目次

集部·別集類

尊拙堂文集十二卷附錄一卷(二)

〔明〕丁元薦撰
北京圖書館藏清順治十七年丁世濟刻本

..... 一

容臺文集九卷詩集四卷別集四卷

〔明〕董其昌撰
清華大學圖書館藏明崇禎三年董庭刻本

..... 二三六

尊拙堂文集十二卷附錄一

卷(二)

〔明〕丁元薦撰

北京圖書館藏清順治十七年丁世濬

刻本

附《四庫全書總目·尊拙堂文

集十二卷》提要

尊拙堂文集卷之五

故鄉丁元薦

詩

烈婦行

何烈婦者吾友何稚孝之冢婦夫死子孀婦
以身殉焉丁子聞而悲之爲做古辭孔雀南
飛作烈婦行

烈婦出誰家清源舊稱王阿翁弋陽今聞訓有阿娘
尊拙堂文集 詩 五之一

生女掌中珠婉嫵多容光六歲教字畫八歲通文章
出言占句偶秀慧自成行十歲學刺繡五絲雙鴛鴦
十三自修潔不作脂粉妝十五擇于歸門楣兩相當
阿舅抗直節海內推大儒阿郎鬱抱奇昂昂千里駒
入門不逮姑乘家事勤劬當厨調甘毳問翁意所須
賓從時相過盤饌皆豐腴阿郎好詩書朝夕相淬磨
上思繩祖父下以豐堂基阿郎感婦意奮激事窮研
六經止一史卷卷親丹鉛落筆成文章雲霞交新鮮

三年赴省試省試名不前有闕不能飛壯志空飛
新婦更相屬所志在千秋紆朱冠進賢寧以恣風流
所愧德不崇得失隨沉浮阿翁怒罵兒兒將何所求
世路惡魂瑋夜光無暗投暗投復暗投坎壈時運違
嚴霜凋玉樹根幹忽崩摧比翼逢矰弋明鏡成離虧
呼天天黯慘呼地地崩頽呼舅舅欲絕撫兒兒先啼
豈意一朝變戕此百歲期昔爲琴與瑟今作參與辰
昔爲蘭與蕙今作灰與塵中流折檣楫遠駕摧車輪

尊拙堂文集

詩

五之二

此身卽未亡辛楚將誰陳誓當從九原不負泉下人
秋雨何凄凄秋風何蕭蕭阿舅含涕言逝者不可招
死生固有數緯繯無可逃願婦撫孤孫前途尚迢遙
珍重穉中兒存亡命所繇長跪領舅言撫兒淚百行
兒存身與存兒亡身與亡豈知天不祐穉中兒復殤
夫死固當死兒死復何望升堂告阿舅婦生爲兒存
兒今復凋折婦死更何言阿舅曲譬解新婦寬憂煩
吾命厄不辰喪子復及孫婦能勵冰雪生死寧異論

新婦再拜言婦志已如此偷生雖且夕浸尋亦就死
死或有遲速死則等死爾何如今日死生死心俱安
孫氣方斷絕兒肉亦未寒死者無顧慮生胡事留連
千秋與萬歲寧在頃刻延阿舅聞婦言汝志誠不易
汝身雖塵土汝名鑄金石婦復拜舅去婦今不再見
毋以子婦故悲傷廢餐膳婦靈如有知佐舅日安健
兒祭所有主兒女所有托悠悠冥漠中此心無牽縛
作書呼阿兄阿兄驚且愕汝母日哭汝哭汝命太薄

尊拙堂文集

詩

五之三

汝今復自絕汝母心膽落妹復謝兄言人貴得所終
人生一世間秋飈吹孤蓬生死有定數名節無終窮
失節愧父母歸全有餘榮寄言謝阿母兒志不可移
六歲教詩書十歲刺繡時吳綾剪雙鳳玉環垂朱絲
箱篋盈珠翠件件相分攜殷勤勗姆訓婉順無勃谿
兒幸不墜教爲婦十四年辛苦遵母意禮義不少習
阿舅不督過妯娌無間言兒今命屯厄中道失所天
子命復不長涉海茫無邊一死萬事畢欣暢如登僊

願母弗念兒痛惻傷心肝阿兄聞妹言有齒不得啓
妹意如堅石妹言本義理但痛手足解淚落連珠子
妯娌共悲泣婢媵爭牽挽人命不復得躊躇計早晚
無以一時氣長往不復返白楊棲悲風燐火照窮坂
願子再顧慮努力加餐飯新婦舉手謝姆輩意甚善
蘭消香不滅海枯石自現拜謝入閨中開篋理紉素
裁緣作金殮剪帛爲誓履篋中餘布衣取以分侍人
汝輩多事我與我同苦辛絲纈不足貴留之識殷勤

尊拙堂文集

詩

五之四

定期在今夕含笑入冥冥命婢理蔬食舉枕加一餐
舉手潔衣服整襟出堂前百拜辭阿舅再拜辭阿兄
尊卑共離別欽歎愈從容入門闥雙扉投報告長終
親戚啓門看悲呼震玄穹婦志如盤石盤石永不移
婦心如真金百煉不消靡阿舅頓足哭新婦烈丈夫
殺身以成仁貞女名不虛親聞競來吊掩袂皆傷悲
傑哉何家婦一死獨流光郁烈生委灰貞操凌秋霜
遠近盡傳嘆烈婦重綱常夫婦多燕婉燕婉兒女情

風波一飄颻誰復顧身名羅敷秦家女使君車莫停
蘭芝投清池委命秋葉輕古書載烈士今復承光輝
黃河水有竭太行山有頽貞聲並日月千秋自巍巍
作歌告女史因以勗中閨嗟婦志若此丈夫將何爲

山中感懷

夙志栖巖阿遂初十年許清漪遶前楹梅花環北渚
獨往我輩偏尚友古人侶撫卷發長嘯攬鏡時却走
稽顙琴有託陶情醉非酒此意還告誰試扣獨寤者

尊拙堂文集

詩

五之五

其二

世網紛糾纏宇宙總大冶飛颺卷秋蒼晨光弄野馬
朕離轉覺煩念滅還自起夜半夢乍醒兀焉獨跼坐
守此作靜因跬步失故我顧眄跡已陳回頭猶恐後
先民多苦心喟然者誰子

春莫同馬惟任憩黃公澗

亭亭山下松茫茫原上夜春風行欲盡我游轉迂僻
頻垣野榛莽流泉韻叢石古木餘清陰春申渺遺跡

相顧發長嘯且任謝公屐

荏平醉馬中令墓

文皇信英主中令命世才
夕臨新豐市朝登御史臺
片言驥卿相遇合良奇
哉功名委塵土雄風生草萊
我來爵君墓千載有餘哀

贈陳郡侯加秩再守吳興

吳興故澤國淵源不可支
岵虎難爲柙防川決其維
使君霹靂手太阿凜自持
清霜厲商飈陽和先霰雪

尊拙堂文集

詩

五之六

一掃霜兔寒再怒城狐絕
窮檐盜春曦公庭嚴夏日
三載鬢雙皤百痺肱九折
司功奏乃最建節西北隅
天子獨脚蹕湖人競嚆吁
上書願借寇使君仍守吳
鴈繡增新秩懸魚是舊符
使君念高堂小人戀衆母
太君謝使君勉旃毋以某
膝下吾有兒格格者誰子
使君聽受教堅此爲母壽
姑蘇風名况廣陵後稱王
久任十年餘循吏千載光
敢爲使君誦樂只歌未央

前五君咏

許司馬孟中

大道無町畦春風饒雨露
溫溫德之隅藹藹衆所注
委蛇陳太丘汪洋黃叔度
金玉更追琢孝友自天賦
下學本真修曲士希超悟
夫子多苦心河津有正路

沈司馬純父

浮雲翳白日鬼火號陰風
之子排天門隻手驅豐隆
九死甘如飴萬里遠從戎
賜環頻予告白首抗孤忠
名高李元禮氣凌陳孟公
雄心千古上清韻五湖東

尊拙堂文集

詩

五之七

王司寇師古

泰山一片石崢嶸挿天表
先生陟其巔振衣獨矯矯
手提雙龍劍晶光耀日月
本來常希微自言無一物
偶現宰官身忽蹈東海去
紫氣宵難尋清風滿宙宇

趙少宰汝師

虞山挺孤秀絢若赤城霞
其下有昆湖映帶日夕佳
美人浣秋水素心託清華
自言絕代姿相思道路賒
耿耿昭陽夢寂寂芙蓉花
蛾媚千古恨薄命徒自嗟

馮司成開之

先生烟霞姿性不耐邊幅汪度千頃波逸韻九霄揚
絳帳羅耄髦青眼半白屋平生秉微尚世人多爲目
選勝天竺巔小構孤山麓久矣蛻塵滓而寧託絲竹
葢棺之餘肯清風自謾謾

冬日風雨過釣臺

荏苒二十年三度嚴灘上塌來風雨寒小艇宿烟莽
崢嶸望釣臺咫尺隔霄壤跌坐靜焚香冷然發遐想
尊拙堂文集 詩 五之八

咄咄羊裘翁萬乘不能枉桐江一縷絲客星至今朗
漢鼎還幾更千秋振孤響

宛兒冒雪南遊賦此壯之

上元始迎春殘臘留餘晷之子忽南征嚴裝急如矢
左手佩長鉞右手執鞭再朔風驕嘶馬歲寒知烈士
策杖百尺冰瓢笠千岩雨拍掌大叫奇壯遊還自喜

其二

慷慨懷舊都出門尋故人濁酒爲君醉片言聊自陳

十二讀父書十五游帝京金臺寒易水駿骨埋燕臺
渡江賴餘勇攬轡長苦辛悵望秣陵山大道多荆榛
向誰倩長矢努力及茲辰

賦贈玉涵內兄曲塘新構

忻湖古名跡桑田留餘靚塌來誰卜隱數椽結清境
堂上雙白髮門前幾文杏浮雲日夕閑徙倚蒼弁嶺

壽李文源翁

僊李英葉毓靈根川雲嶽秀凝清門偉人家學相開
尊拙堂文集 詩 五之九

源突兀浩氣撐乾坤高秋勁翮凌鵬鷗將雛含圖瑞
至尊桐川振鐸暫舉北橋門觀聽如雲屯翁評廷尉
子御史冰稜霜鐵戰人齒拙守冷曹三尺法吏隱陪
京半歸里喬雲紫霓相滅沒顛倒黑白問誰是一麾
出守衆所佇三徑猶存帶可號南阜先生百世師關
西夫子楊伯起翁也簞墳兩相應哦哦夾岸峙南紀
蛟龍隱文魚戢鱗菰菰滿徑蘭爲薪趨庭綵衣自輝
映解脫簪冕從緇巾憶昨闕下再通謁一別十年意

轉新廬山柳天青不極武陵何處桃花津七十老翁
髯如銀夢寐昔肯見精神冰雪肝腸金玉姿大年難
與論秋春攬槍掃天蔽白日遑陽狂僕交吹指我翁
憂國如憂身忍使豸黷長娛親律中太簇當降辰芳
草含華柳絮塵斗酒錯看賓樂陳何以祝翁翁所欣
疎劍掃雪洗青旻狼星貫鏑泰階平天神六膳調和
炎墓母俛頸不敢膾父子報國酬風盟還丹大藥億
萬齡五千妙言重注經斟酌彭蠡傾壽觥

尊拙堂文集

詩

五之十

孟修丈七十初度賦贈

世上山人盡塵市這性風疎我愛子閑馴雛鵲摩青
霄偏植名花供淨几九峰游屐六尺筇一葉浮家五
湖水世業脩脩生計拙薄田數畝半種秫座客常滿
酒不空肝膽平生晚猶熱臨池揮酒肘生風高枕長
吟時捧腹日居月諸修古稀蘭蓀交映紛成列兩鬢
霜華自壯年不綠愁緒久繡然世態滄桑幾夢幻幻
出寒垣最可憐老人開眼但微笑坐對浮雲日往還

昔子六十我爲壽古木寒鴉朔風吼子方嬰驟我亦
豪慷慨在呼傾五斗轉盼十年我忽老問子枕中索
鴻寶素心一片是羲皇從此百年貧亦好

玉山道中卽景

一灘一灘復一灘幾夜湍聲入夢寒轟雷砰礪水底
石怒作驚濤雪花白昔年九鯉湖上聽千峰絕頂臥
郵亭今年忽走玉山道恍惚停橈聞海澳平生奇蹟
在山水一片素心今老矣

尊拙堂文集

詩

五之十一

贈劉刺史貽哲赴謫嶺南兼寄閩中同好

上黨太守何磊磊匹馬單車赴南海金昌假道好事
餘帝城回首浮雲變白眼虬鬚老令人挂瓢西來五
湖濱故人相勞躋平生仰天拍手失風塵憶昔與君
游長安片語相知入肺肝燕昭墓前駿骨朽荆軻市
上幾杯酒少年意氣蒼旻外扣關請劍太亡賴飄蓬
不逐逝水波翻覆奕棋可奈何買傳長沙歌楚些內
史淮陽那高臥東西南北總君恩陸沉寧須金馬門

君去羅浮春正好名山處處堪
潦倒君不見東坡居士香山老

移竹

楚楚數竿竹孌孌半庭陰
卷石亦礪礪清霜乍蕭森
結趺不在多寄懷良獨淡
一卷自高枕窓外有鳴禽

秋日聞廣寧園急懷仲父
泰軍老淚沈瀾情見乎詞

大父鍾情處滇南萬里歸
叔生於滇請纓生事拙仗劍壯
尊拙堂文集 詩 五之十二

心違客夢關河杳家書塞雁稀
日歸腸欲斷何計突重圍

其二

十三弃嚴父二十寄青衿
感慨舊門道淹留言署心
叔隨先大夫自憐倦飛鳥
悔不蚤抽簪極目榆關路
荒原白骨濱

其三

乘勝妖氛熾孤懸我勢危
臨戎紛請餉虛伍強登陴

罵賊惟存舌報韓獨有錐
誓留一腔血厲鬼也男兒

其四

三韓久弃置豺虎紛如麻
骨肉不相顧游魂逐誰家
憑陵多殺氣悽惻動悲筋
兩地相思淚西風落日斜

其五

債帥不可問忠肝久沉淪
空懷郭汾陽安得雷萬春
國事還堪慟書生遠顧身
彼蒼應悔禍即報儻非真

贈韓求仲

尊拙堂文集 詩 五之十三

平生怯杯酒五斗爲誰傾
拔劍作胡舞擊筑翻微聲
兩旁和歌者四顧俱狂生
丈夫一片氣千古欲橫行

解嘲

平生一片氣百折未灰心
薄宦寧株守遭時肯陸沉
祇緣迂癖甚果是畏途深
羅雀成高卧被襟白苦吟

結夏城山李用父見訪分得四支

忽訝空山屐相看有故知
解衣貪就竹跌坐愛臨池
老衲閑鍾磬鳴蟬佐酒卮
片雲來驟雨不是爲催詩

山居寫興

面面青山曲曲谿
幽人小隱洞庭西
瀾天春水瀑如練
遶屋梅花雪滿畦
七尺短筇開白髮
四鄰鼓吹響黃鸝
栖遲十載忘機事
側耳遠陽不忍提

壽游肩生

使君心事澹梅花
訟簡庭開午散衙
坐照時懸畫溪月
清芬只飲洞山茶
陰蔽芾楚雲合
鳬影翩翩魏闕遐
昨夜歲星連漢宿
何須勾漏覓丹砂

尊拙堂文集

詩

五之十四

贈韓求仲北上應試

出門裘馬少年場
九十春風客路長
燕市酒人呼不起
上林飛絮逐誰忙
雕蟲自許千秋業
劍氣猶寒二月霜
此去不須尋得意
知君獻賦有長楊

壽范太蒙尊翁七十

八月開新爽
三山倚碧空
杯浮潑露白
綵映曉雲紅
詩者容如月
真人氣似虹
文章宗左馬
心事自鴻濛
短鬢殘魚蠹
經筵老澤宮
慶雲暮月化
澍雨四郊豐

汗血誇神駿
飛鳬託遠蓬
歸來賦陶令
啓事有山公

鴻寶淮南秘
鳴璫海上翁
九重來紫綬
七十尚丹衷

敦睦崇先哲
交游見古風
楸枰花影弄
玉液蔗漿融

髓石顏仍渥
陽春賦轉工
清輝彌宇宙
紫氣藹崑崙

述夢

有引

壬戌八月二十七日也
夢中慷慨浩歌數闕
苦不成聲而覺幅巾禪衣
股枕鐵杖後倚一

絕壁左枕一大石西蒞蒞
大海一望不盡

尊拙堂文集

詩

五之十五

千古英雄一腔熱
血三年化為碧
微子去箕子奴比

千死向東風
寫不盡許多悲咽

其二

千古英雄一腔熱
血三年化為碧
睢陽齒常山舌司

農務向東風
寫不盡許多悲咽

自題小像

野性幽栖興每偏
青山合杳水潺湲
獨開雙眼風塵

外信是多生丘壑緣

非仕非隱非俠非儒赤腳獨立掉臂狂呼一片熱腸
傲然鬚眉世晉女慧竊謬自許曰愚愚愚

自哂

浮慕汲內史之懇敢云寧武子之愚老猶個強當途
之所應憎不達時宜見女猶然見咄死但求免於高
廟鐵杖生惟可以告山中心知

賦

鴻飛賦 有小序

尊拙堂文集

詩賦

五之十六

元薦以辛亥春小草典屬國百日許會與諸
言事者左兩乞骸不得候命八十餘日予告
歲莫解纜寒飈薄帷易水放歌懷人入夢顧
邁軸之未冷嗟麋性以難轍石火電光浮榮
能幾天游泥蟠自處謂何作鴻飛賦其辭曰
有鳥高飛一舉千里匪戒心於矰弋恣濺情於雲水
奮勁翮以孤騫摩層霄而颺起託逍遙以爲游兮吸
沆瀣以爲漿既天矯以軒翥兮負長鳴而飄颻排天

門今日月入泱泱兮煙雨朝刷羽兮扶桑夕引領兮
縣圖浸假而息誰使而怒逝九萬以一瞬豈尋丈之
可致若適上林春曉洞庭秋半留清影於太液振高
蹤於天漢又或草腓塞積獵罷長楊關山涼月野水
寒塘倏見倏沒載翱翔破鴻濛兮歷大荒瞥下土
兮忽回顧紛羽族兮忻有託嗷嗷導予以世趣豈巢
幕之可久兮直爲此汗漫也儻余行之信適兮奚爲
乎眷眷也亂曰已焉哉鳳久不至鵬亦南徙泛泛安
所群栖栖復何止矢獨往以相羊兮搏扶搖而直上
塊三山而踞九州兮憩寥廓而蛻塵埃吾率吾天機
而行而踟躕者愴悵相向又烏知夫宇宙之不可量
也

尊拙堂文集

賦

五之十七

碑記

重修儒學碑記

記修學者何示重且難也奚重乎以先師故重曷爲乎難之時難也夫宮牆俎豆之於道也其虛者也而愛禮者存名於羊法不得土苴而屑越家有子弟廣其塾而新之寧靳鉢兩然網密於東濕而力詘於舉羸勢不得咄嗟而辦若劉使君之茲舉難之難者也難故彌重使君以甲午春令長興席未暖廟謁先師尊拙堂文集 碑記 五之十八

顧其傾圯狀嘆曰有土者責也亟議所以新之已計曰民飢未可動也歲稔矣曰積逋未蠲姑待諸博士先生及青衿弟子日請焉不得已而問公帑如洗矣當事者之催科日以急枵腹者之逋負日以甚使君且以近例繕錄而監司稍有舉動輒責成下邑民譁然見謂厲使君遠巡心計蒿目者歲餘一日驟然曰嗟乎必待蠲逋而盈帑也堂上之草萊矣謂先師何劑量盈縮得二百緩簡才者董之三月而落成傾者

起廢者立若殿若坐若門屏若左右廡若閣若祠若號舍庖廩一旦改觀而塗丹雘博士青衿相率踴躍以侯所以嘉惠庠序之意謂不佞宜紀其事不佞謁博士先生進諸青衿而颺言曰多士知使君所以嘉惠庠序之意乎哉匪直崇虛飾於官牆競靡麗於耳目已也不佞束髮以來學三廢矣始飾於顧長洲再興於黎丹稜迄今爲三大都十年一新顧所爲慨仰日趨日壞頽闕而不可修者人心云爾不佞不敢仰尊拙堂文集 碑記 五之十九

述古初俯稱成弘猶及紀嘉隆間事諸少年布袍敝履蹣跚步於市自得也卽屢空亦不以告人逢長者輒僂僂前揖長者哀然寬博南向子弟前之蓋彬彬多讓焉凡課試悉漸見長至晚者卽並席不相問脫草而就斧削下氣受之兩相韋弦也他幸進者卽貴介衆醜之望望去矣廩餼必以序非序爭者寧以身後邑大夫相知不輕造門造門者舍掌故家言及剗膚外不齒也老師腐儒白首六經百家註疏咸朗朗

成誦其於司馬氏之史源洛關閩諸書若布帛而菽粟焉幸而售不氣盈不售不色沮也巖穴之彥差達交榮顯之夫重故知老矣猶時時口某師某友云此種種耳目睹記間要亦叔季事爾于今竟何如哉屈指轉盼迥若異代則人心之壞也雖然烏知夫今之不強昔也而又烏知夫後之不憶今也長此安窮矣水之東也不可以一葦障世之下也不可以庸人茅靡其間諸生勉矣當末流之衝而思豪傑之興希先尊拙堂文集 碑記 五之二十

民之程于道喪之日憂憂乎難哉夫先師之道日重於天下萬世者以士重焉故也斯劉使君所以嘉惠庠序之意也劉使君名一臨淮陽人已丑進士博士唐繼賢雲間人鄉進士劉暨構李人董洵峨嶧人歲貢士

長興縣重修尊經閣碑記

天命斯文於尼父刪詩述書定禮修春秋贊易作十翼七十子之徒闡釋光大之以開群蒙爲萬世祖廼

其自命曰庸德庸言不足不敢不勉有餘不敢盡若斯兢兢也後世材賴之士無能企游夏後塵意直趨無始而上之弁髦一切曰夫夫拘儒也而雄語河上漆園而後楊朱墨翟韓公子蘭陵令齊顯相縱橫長短名法逮竺乾諸書影爛蠅附幾倍蓰六籍又何敢也蓋行之本病不足而標有餘言之本病有餘見謂不足而侈之至今濫觴極矣丁子曰夫經統聖真苞萬類豈虛也哉有具常者存性也爲吾性傳神以導尊拙堂文集 碑記 五之二一

天下萬世若揭日月而樹之幟曰文行如是止矣驟而味之澹然徐習之循循乎不見可喜可怪而沒齒莫殫累劫靡竟何也嗟乎乃其所以經也性學不明儒者內偷而外託以自解行之偷也而異端大雅之偷也而諸子百家本不足也二祖受命從櫛風沐雨中首學校廣厲青衿諸不習五經四書者不入賢科已命儒臣纂修諸經大全頒賜郡國士士屏氣束身其中罔踰尺寸法令一而王始尊經義一而道始尊

二祖之垂憲至渙且遠也或曰漢之於經也支於章句宋之於經也支於理尊經晦弊久矣踵而甚之與曰吾師不云乎下學而上達夫上之不離乎下也達之不離乎學也一貫者也學而未達有之猶然閑以內也爲迂爲執爲支離賢於無忌憚者也不見漢晉之季乎黨錮諸君子標榜節義賈禍至慘昭烈張空拳而揚旣燼之灰豪傑踴集一門爭殉則其餘聲也彼名求之而實收之功不啻倍當塗高逞盜竊之尊拙堂文集 碑記 五之二二

智典午尤而安焉風靡波蕩一掃名教而晉亡於揮塵清譚之下矣漢宋之流弊遠勝魏晉之盛時蓋世未有不經而可爲國者文與行一也遐哉聖謨其慮不淺且遠耶吾邑自己卯後尊經閣日圯至午未幾廢經始於金使君又數年而熊侯落成士登斯閣若千載一時侯簡其雋日課焉暇則相與闡明河津之學夫河津世所迂爲庸德庸言者也姚江泰州之說熾而此脉漸以斬使君真慨焉有意乎其爲尊經之

微意抑又遠逮也夫

長興縣城樓重建漢壯繆侯關聖祠碑記

游使君祠漢壯繆侯于城南樓禱者雲集乙卯夏李生士麟聰而請曰麟落魄二十年茲且爲背一之戰其儻不終顛顛神其許我卜吉李生喜躍再拜曰必有以報也比秋果獲雋於戲侯之靈燁燁都城闔久矣頃歲肅清魔孽多奇伐上特勅所司加徽稱及冕服甚都士麟歌鹿鳴歸捐十金爲侯新城樓之塑像尊拙堂文集 碑記 五之二三

如制父老曰女壻隘不足以受神議于故祠前加三楹力詘未能也麟竭蹶從事請于攝篆莫侯捐若干緡鄉人義助若干緡祠成眎肯加宏敞士麟請紀于余細人之言曰吳侯仇方也其肯廟食丁子曰嘻侯致命茲土必養李生曰何日若不記侯對張文遠之言乎矢七尺心許昭烈恨不得一當以報樊城之難義畢矣獲死所矣侯必不以一亭侯印易蒙遜之刃明甚其廟食茲土志也昔余從祖解州公巡微塞垣

卒遇敵與人鳥鼠散悅惚有偉丈夫棄鞭而身蔽之
赤光滿前敵驍去公歸廟侯於河之濱從父叅軍公
感異夢於侯甲午秋捷廟祠者再宅若朱濟若五降
麓各有侯祠及余耳目覩記不可枚舉優孟子謬爲
赳赳以彷彿侯忠憤觀者心知其戲也相顧攘臂嚙
指不自知所以村姬牧豎夜半暗室中齒侯姓名揣
揣如震雷駭電世蓋有不懼三尺而獨於侯焉心折
此豈知術要約哉傳曰神聰明正直而壹者也壹則

尊拙堂文集

碑記

五之二四

精爽不散直則生氣亘宇宙如新嗟乎孫曹所雄據
轉盼已幻而侯獨持一念耿耿皎焉與日月齊光天
故信其氣於異代變化而昌熾之以爲萬世殉忠者
勸李生所爲尸祝其眇者也予特表侯大節而系以
楚詞二闕令巫陽歌以侑之

受帝命兮蟻蟻翼德兮麾孟起神之來兮風雨烈

髯兮怒張氣吞吳兮攬八荒決浮雲兮掃機槍

右迎神曲

鞭赤驥兮如虎西張望兮心獨苦抱長恨兮終古回

繼今東皇勅百靈今耀三光食澤國兮紛樂康

右送神曲

安吉州學田碑記

萬曆癸巳春曲河于公以儀部郎左遷安吉倅州人
士手額曰于公近臣也不留肅省而參吾州於倅輕
州則重矣臺使者臬監若曰于郎諍臣也不難抗顏
禁闥而折腰外廷知其無遷客之心也夫雖然毋以
簿書潤之假以他檄歸于公遶巡讓曰主臣不佞其
敢薄倅且內外等爾無之而不可畢吾志也而烏知

尊拙堂文集

碑記

五之二五

倅之不重郎也今年丁酉公幾再考矣而賜環之命
未下州人士爲于公不平于公于于也居恒自詫倅
亡狀待罪且久陛下不遐棄臣令坐而糜廩義之所
不敢出也辭五斗而不受是以五斗慙也倅請捐祿
學官舊田以餽寒士學使者以下高其誼報可二十
五年七月得順安之青松里田焉畝九十有三價若
千金越三載岳阿歲歌雲漢王刺史曰虛于公之惠
不可追前價而更置之坐邵墓之墟殺前額十之三